



SURUHANJAYA PILIHAN RAYA MALAYSIA

## **KENYATAAN MEDIA**

**BIL. 47 /2019**

### **PENGUNDI DUN N.27 RANTAU DISERU KELUAR MENGUNDI PADA 13 APRIL 2019 (SABTU)**

1. Seramai 20,793 orang daripada 20,804 orang pengundi biasa layak mengundi pada Sabtu, 13 April 2019. Daripada jumlah tersebut seramai 11 orang telah mengundi secara pos.
2. Sehubungan dengan itu, SPR menyeru kepada semua pengundi berkenaan supaya keluar menunaikan tanggungjawab mereka sebagai pengundi pada Sabtu ini.
3. Para pengundi adalah dinasihatkan agar merancang masa dan keluar pada awal pagi serta tidak memilih untuk keluar mengundi di saat-saat akhir walaupun waktu mengundi telah ditetapkan dari jam **8.00 pagi hingga 5.30 petang**.
4. Bagi pengundi yang telah menerima Kad Pengundi (*Voter's Card*) atau yang telah mengetahui maklumat pengundian, mereka boleh terus ke saluran mengundi dan tidak perlu lagi membuat semakan di barung semakan SPR.
5. Manakala, bagi pengundi yang tidak menerima *Voter's Card* kerana kemungkinan telah berpindah atau belum mengetahui maklumat pengundian, mereka disaran agar membuat semakan lebih awal sebelum hari mengundi. Semakan boleh dibuat melalui saluran-saluran berikut:
  - a) layari **portal rasmi SPR** di [www.spr.gov.my](http://www.spr.gov.my); atau
  - b) telefon ke talian **03-88927018**; atau
  - c) menyemaknya melalui aplikasi **MySPR Semak**; atau
  - d) **SMS ke 15888 (taip SPR<jarak>SEMAK<jarak>NO.KAD PENGENALAN)**

6. Semasa membuat semakan, pengundi disaran untuk mencatat dan menyimpan maklumat-maklumat berikut:

- a)pusat mengundi
- b)saluran mengundi
- c) nombor bilangan pemilih

7. Pengundi diingatkan supaya membawa **kad pengenalan** dan ***Voter's Card*** atau **catatan maklumat pengundian** serta menunjukkannya kepada Kerani Pengundian Pertama (KP1) di saluran. *Voter's Card* dan catatan maklumat pengundian itu akan memudahkan KP1 untuk membuat semakan nama pengundi serta membantu kelancaran proses pengundian pada hari mengundi.

8. Selain itu, pengundi juga dinasihatkan supaya tidak menyerahkan kad pengenalan mereka kepada pihak lain selain daripada petugas pilihan raya.

Sekian, terima kasih.

**AZHAR AZIZAN HARUN**

Pengerusi

Suruhanjaya Pilihan Raya Malaysia (SPR)

Tarikh : 11 April 2019 / 5 Syaaban 1440H